

Матфеин 5 бөлг.

1. Иисус оln кү үзчкэд, уул деер харв.
Уул деер суухлань, Терүн тал сурһульчнрнь өөрдв.
2. Иисус тедниг сурһад келв.
3. Деед Эзнэ төлэ угатя болснь-кишгтэ.
4. Һашудад уульснь — кишгтэ. Бурхн тедниг төвкнүлх.
5. Номһн улс кишгтэ болх юңгад гихлэ тедн һазр эзлх зөвтэ.
6. Йоста үн хээһэд, шунж йовсн улс кишгтэ юңгад гихлэ тедниг үнэр цадхах.
7. Цаһан седклтэнь кишгтэ юңгад гихлэ тедн хээрлгдх.
8. Цевр зүрктэ улс кишгтэ юңгад гихлэ тедн Бурхиг үзх.
9. Эв - төвкнүн төлэ бээдг болн Терүг хээдг улс кишгтэ юңгад гихлэ тедниг Бурхн Эврәннь үрдүд гиж нерэдх.
10. Үннэ төлэ көөгдсн улс кишгтэ юңгад гихлэ Бурхна Теңгрин орн-нутг теднэ болх.
11. Тадниг Нанас көлтэ һутаһад, му келэд, көөһэд бээхлэ, тадн кишгтэ болхт.
12. Байрхж байрлтн юңгад гихлэ тана ик ачлвр теңгр деер бээнэ. Тиим кевэр тана өмн бээсн ээлдэчнриг көөдг билэ.
13. Тадн - һазрин давсн. Кемр давсн амтан геехлэ, кен амтынь хэрү орулж өгхмб? Тер давсн тус уга, тегэд энүг һарһад эмтнэ көл дор хайчкна.
14. Тадн - нарта орчлңгин герл. Уулын ора деер бээсн балһсн бултлж чадшго.
15. Шатасн шамиг деерэснь савар бүркдмн биш, болв терүг деегшэн тэвэд, эмтнд герл өгтхэ гиж тэвнэ.
16. Тиигж тана герл оln эмтнд герлтгхэ, эмтн тана цаһан саната кергүд үзэд, тана Теңгрин Эцкиг туурулх.
17. Намаг Бурхна зака болн ээлдэчнриг бээдгинь уурулхар ирв гиж бичэ сантн, уурулхар биш - күцэхэр ирв.
18. Таднд үнинь келжэнэв: «Теңгр һазр хойр уга болтл, Бурхна закаһас нег чигн үзгнь уга болшго. Цугнь күцх.

19. Кен чигн Бурхна закахас нег чигн бичкн тасрхаһинь хажһрар зааһад дасхла, тер Бурхна Тенгрин орн-нутгт хамгин бичкнд тоолгдх. Кен болвчн зааж өгсинь күцэхлэ, Бурхна Тенгрин орн-нутгт алдр күн гиж нерэдгдх.
20. Фарисеймуд болн зака бичдг багшнрас үлүһәр Бурхна таалынь эс күцэхлэ, Бурхна Тенгрин орн-нутгт орж чадшгот.
21. Тадн соңссн болхт, юн гиж тадна өвкнрт келгдсинь: «Күүнэ эм бичэ тасл, күүнэ эм таслсн күн зарһла харһх.»
22. Би болхла таднд келжәнэв: « Кен чигн ах-дүүһән хара зөңгдән уурлснь тер зарһла харһх. Кен эврәннь ахдан « хоосн» гиж келхлэ, терүнд синедрион зарһ кех, кен чигн «ухан уга» гийһэд келсн күн, тер халун тамд тусх зөвтэ.
23. Тегэд кемр чи Бурхндан бэрц авч ирж йовад, генткн зууран чини ах эс гиж дүүчн чамд һундлта бээхинь санандчнь орхла,
24. чи бэрцән хооран тэвэд, хэрү эргэд, ахтаһан эвцлд. Дарунь ирэд, бэрцән бээрүлж өг.
25. Кемр чамаг зарһчд авч йовхар седхлэ, тер күүнлэ хаалһдан эвцлд. Эс гиж тер күн чамаг зарһд бэрүлэд өгх. Тернь түүрмд суулһчкх.»
26. Би чамд иигж келжәнэв: «Түүрмәсн чи нег бичкн деншг күртл өрән эс өгтлән һарч чадшгоч.»
27. Тадн соңслт, юн гиж тана өвкнрт келгдсмб: «Авсн авальдан үнн итклтэ болтн.»
28. Залу күн жилвтэ болад, күүкн күн тал хэлэхлэ, тер итклиг эврәннь зүркндән терүнлэ эвджәнэ.
29. Кемр чини барун нүдн чамаг жилвлтүлхлэ, чи тер нүдән бийәсн таслад авад хайчк. Юңгад гихлэ чини цогцин өрэл зовлң үзхтхэ. Өрәсн нүдтәһән Бурхна Тенгрин орн -нутгт орсн чамд деер болх.
30. Кемр барун һарчнь жилвлтүлж бээхлэ терүг чавчад хайчк. Өрәсн һартаһан Бурхна Тенгрин орн-нутгт орсн чамд деер болх. Бүкл мөчтәһән халун тамд унсн дорхнь.

31. Бурхна заканд иигж келгдженэ: «Кемр кен болвчн эврэннь гергтэһэн салхла, залу күн гергндэн саллһна цаас өгтхэ.
32. Би таднд келжэнэв: «Кемр гергтэһэн залу күн салх дурн бээхлэ, болв гергнь үгэн бэрсн болхла, тер күн килнц һарһжана. Залуһасн салсн герг авсн күн бас тиим килнц кежэнэ.
33. Дэкэд тадн юн гиж тана өвкнрт келгдснь соңслат: «Андһар бичэ өг, болв Бурхндан өгсн андһаран күцэ.»
34. Би таднд келжэнэв: « Андһар төрүц бичэ өгтн: Теңгрэр чигн – Теңгр Бурхна ширэ,
35. Назрар чигн – назр Бурхна көлин тэвц , Иерусалимэр чигн – тер алдр Бурхна балһсн.
36. Толһаһарн чигн бичэ андһар өг. Чи нег чигн үсэн харлулж чадшгоч, эс гиж цаһаллж чадшгоч.
37. Чини келсн үг «э-э» гисн болхла - тиим болтха. «Уга» гисн болхла - уга болтха. Түүнэс үлүн - хортнас.
38. Иигж бичэтэ тадн соңслт : «Чамаг һундасн күүнэс -кезэ чигн өшөһөн нек.»
39. Би болхла таднд иигж келжэнэв: « Өшөһөн бичэ нек, чамаг барун халхарчн ташхла, зун халхан тэвж өг.
40. Кен чамла зарһд орад, чамас киилгичн авхар бээхлэ, терүнд чи деерк хувцан чигн өг.
41. Чамаг нег дуунд йовий гихлэ, хойр дуунд йов.
42. Юм сурснднь өг, чамас өгъяһэр сурхар бээхлэ, чи бичэ булт.
43. «Өөрхн бээсн күүндэн дуран өг болн эврэннь хортндан дурго бол»-гиж бичэтэһинь тадн соңслт?
44. Би болхла таднд келжэнэв: «Хортндан дурта бол. Тадниг харасн улсиг йорөһэд бэ. Таднд дурго улст сэ кетн. Тадниг өлүлэд көөж йовсн улсин төлө зальвртн.
45. Теңгрин Эцкин көвүд болхин төлө зальвртн.

Юңгад гихлэ Тер Эврәннь наран сэн седклтэ улс деер болн хар саната улс деер нарһна. Бурхнд иткдг болн Бурхнд иткдго улс деер хур орулна.

46.Тадн кемр тадн дурта улст дурлхла, тегэд тадн ямаран ачлвр күлэжэнэвт? Алив цуглулдг улс тиигж эс кенэ?

47. Кемр тадн зуг эврәннь ахир-дүүнртәһән үнн седкләрн байрлж мөндлжәхлә, юн ончта юм кежәхмт? Буру бурхдудт иткдг улс бас тиигж кенэ.

48. Дуту уга, эркн чинрт күртн юңгад гихлэ тана Теңгрин Эцктн дуту уга эркн чинртә.